

تبریز شهرداری بودجه‌سی‌نین یوزده قیرخی ترافیکی طرحله اختصاص تاپیر

تبریز شهرداری عمومی رابطه‌لری‌نین وئردیغی خبره گؤره، یعقوب وحیدکیا دئدی: تبریز شهرداری‌سی‌نین محترم توسعه و برنامه ریزی معاونتی طرفیندن وئریلن معلوماتا اساساً ترافیکی طرحلر شهرین بیرینجی اولویتلریندن ساییلیر و بونا گؤره بو ایلین بودجه‌سی‌نین یوزده قیرخینی بو طرحلر اوچون شهر ترافیکی‌نین یونگول‌لتماغا گؤره اختصاص وئرمیشوق.

او آرتیردی: مترو یولا سالماق و اتوبوسرانی و تاکسیرانی سیستمینی توسعه وئرماغینان عمومی حمل نقلین گوجلندیرمه‌سی، یول آچما طرحلرین اجراسی و جور به جور تقاطعلارین احداثی تبریز شهرداری‌سی‌نین بو ایلکی ترافیکی طرحلری و برنامه‌لریندن ساییلیر. وحیدکیا، بو سیاستلرین یئرینه اوتورماسی اینن تبریز شهرین ترافیکی مشکل‌لری‌نین حل اولونماسینا اومودلو اولدوغنو بیلدیردی.